

սաղէմ. մեք հրամայեցաք, թէ յորժամ դարձցիս յԵրուսաղէմայ՝ նայ առ մեզ եկն. զի գրել եմք որ այն ասացեալ Քրիզորն գայցէ, որ ձեզ դատաստան առնեմք¹: Իսկ Տէր Յոհանէսս դարձաւ յԵրուսաղէմայ և եկն առ մեզ, և կացաւ բազում ժամանակ ի մեր դուռս. մինչև եհաս առ մեզ մեր նվիրակին գիրն, թէ զայս ինչ արար հետ մեզ, և ինքն չէ ի գալ: Մեք ծանեաք զայդ Քրիզոր չեպիսկոպոսիդ զամբարտաւանութիւնն, որ մեր սուրբ աթոռոյս գլուխ է վերուցել, և ըստ արժանաց իւրոց պատժեցաք զինք, ըստ ասացելոյն, եթէ զչարսն չարաւ կորուցէ, և զայգին տացէ այլոց մը չակաց՝ որ արասցէ զկամս նորա. նոյնպէս և մեք արաք². և վերջստին հաստատեցաք զՏէր Յոհանէսը ձեզ եպիսկոպոս, որպէս մի նախնին հաստատել էր. և պարգևեցաք զԼույն իւր վիճակովն, և զԼուցկայն, և զայլ առ մենայն թէմն զոր վերոյ յիշեալ ենք, Տէր Յոհանէսիդ թէմ և վիճակ, աթոռ և հանգստեան տեղի: Եւ առաքեցաք գրաւորական արհնութեամբս մերով գալ առ ձեզ. և առաքելաբար շրջեսցի ի միջի ձերում, վարդապետել, խրատել և ուսուցանել յաւրէնս և ի պատուիրանս Տեառն, կալ անարատութեամբ ի տուէ և ի գիշերի. տալով զանձն աւրինակ բարեաց ձեզ ամենեցուն. ինքն արասցէ և ըզձեզ ուսուցէ սրբութեամբ արդարութեամբ, երկիւղիւ, սիրովն առ Աստուած և առ ընկերս. եղբայրսիրութեամբ աղքատսիրութեամբ, ողորմածութեամբ և աղաթիւք, լինել այցելու որբոց և այրեաց, և ամենայն կարօտելոց կարեկից, սիրովն Քրիստոսի: Կոչեսցէ զարժանաւորսն և ըզվկաեալսն ի կարգ և յատիճան կեսսարկավագութեան, սարկավագութեան և քահանայութեան: Կալցի և հրամանաւս մեր ի վերա ձեր իշխանութիւն առաքելական, կապել և արձակել յերկինս և յերկրի. զմեղուցեալսն և զապշտամբեալսն յաւրինացն Աստուծոյ և ի կանոնաց սրբոց հարցն՝ կշտամբել և յանդիմանել, և ըզզըզլացեալսն ընդունել ապաշխարութեամբ: Որով և դուք ամենեքեան առ ի դմանէ հովեալք և արածեալքն ի վայրս դալարով առաքելութեան և ի ջուր հանգըստեան պատուիրանացն Աստուծոյ, զաստուածապատիւ և զառաքելաշնորհ յոյժ սրբազան արքեպիսկոպոսդ ձեր զՏէր Յոհանէսը, զսիրելի և զհաւատարիմ որդին մեր՝ մեծավ պատվով և յոյժ սիրով ընկալարուք, որպէս զհրեշտակ Աստուծոյ և որպէս զառաքելական այր: Չի հրամանաւս մեր զա՝ Տէր Յոհանէսս՝ է ձեզ եպիսկոպոս. որպէս մեր նախնին հաստատեաց, և որպէս նա պարգևեաց յայնժամ, նոյնպէս և մեք հաստատեցաք այժմն, և է և եղիցի: Գուք ամենեքեան սիրելի որդիք մեր ի Քրիստոս, ամենայն հոգևորական խրատս դորա՝ որ ի շահ և յաւգուտ է ոգւոց ձերոց, հնազանդութեամբ ունկնդիր լիութեք:

1. Յայտնի ուրեմն որ երկու եպիսկոպոսքն հին և նոր՝ միճէին ի վերայ աթոռոյն, և ժողովուրդն այլ երկպառակէր:

2. Հետագրգիւռ է ըսածն. ինչ կերպով արդեօք պատժեց՝ այդ ամբարտաւան և անհազանդ եպիսկոպոսը, և ինչպէս զչարս չարաւ կորոյս: